

MATSHWAOKAELO A PUISO YA SESOTHO-SETSWANA


KAEDI YA GO ITHUTA

DIPHALANE 2022

Kwa bokhutlong ba Kgato ya Motheo, barutwana ba solofelwa gore ba buise ka ‘thelelo le ka go tlhaloganya.’ Go tlhokomela fa bana ba le mo tseleng e e nepagetseng ya go fitlhelela maikaelelo a bona mo Kgatong ya Motheo, go tlhokega ditekanyetso tse di kgethegileng tsa dipalopalo tse di supang dikgono tse di kgethegileng mo go buiseng ka thelelo. **Ditekanyetso tsa puiso ka thelelo, di bidiwa matshwaokaelo a puiso.**

Go fitlha mo malobeng, go ne go sena se se bidiwang matshwaokaelo a puiso mo dipuong tsa Aforika Borwa go akaretsa le dipuo tsa legoro la Sesotho-Setswana. Le fa Pegelo ya Pholisi ya Tlhatlhobo ya Kharikhulamo ya DipuoGae tsa Bantsho (CAPS) ya Kgato ya Motheo e totobatsa magato a go buisa ka nepagalo, ka thelelo le ka go tlhaloganya, ga ba neela dithulaganyo tsa tekanyetso, go lekanyetsa se go ya ka dikgono tse di rileng. Tiro e e sa tswang go dirwa, e e neng e eteletswe pele ke ba Lefapha la Thuto ya Motheo (DBE) ka tirisanolo le baitseanape ba Dipuo tsa Bantsho, basekaseki ba ba ba dirisang molebo wa khwanthitatifi, baseakatemi le bakatisi mo puisong, batlamela-ka-matlole le baitseanape ba matshwaokaelo ba boditshabatshaba ba tswetse mokhino o o neng o le teng ka go tlhagisa matshwaokaelo a maleba le Kgato ya Motheo..

Barutwana ba PuoGae ya Setswana ba Kgato ya Motheo ba tshwanetse go kgona go buisa ka thelelo go le kanakang gore ba kgone go “tlhaloganya”?



- ◆ Kwa bokhutlong ba Mophato wa 1, barutwana botlhe ba tshwanetse ba bo ba kgona go dumisa ditlhaka di le 40 ka motsotso ka nepo..
 - ◆ Se ke matshwaokaelo a a tshwanang le a dipuo tsa SeNguni. Le fa kapodiso e ka farologana ditlhaka tse di tshegetsang tiriso ya matshwaokaelo e le nngwe, di a tshwana go ralala dipuo.
 - ◆ Ditlhaka ke ponelapele e ntle ya go buisa ka thelelo, ka molomo (ORF) mo nakong e e tllang mo Kgatong ya Motheo. Ditokafatso tsa lobelo mo kapodisong ya ditlhaka e ema ka ditlhaka di le 40.
 - ◆ Fa barutwana ba fitlheletse maemo a, a kitso ya tumiso-tlhaka, ditaelo tsa ditumatlhaka di tshwanetse tsa itebaganya le go kopanya medumo le ditumammogo tse di raraaneng fa go ranolwang ditaelo gone, go tshwanetse ga itebaganngwa le go thusa barutwana go dirisa ditogamaano tsa go dira gore lefoko le ba le buisang go nne le tlhaloganyo mo go bona.
- ◆ Kwa bokhutlong ba Mophato wa 2, barutwana botlhe ba tshwanetse ba bo ba kgona go buisa ka nepo mafoko a ka nna 40 ka motsotso.
 - ◆ Fa tlase ga legato le, puiso ka nepo e bokoa mme re fitlhelela bopaki bo bonnye jwa gore barutwana ba ka tlhaloganya se ba se buisitseng. Nnete ke gore ba dira diphoso tse dintsi gape ba buisa ka bonya gore ba ka tlhaloganya se ba se buisang. Barutwana ba ba sa fitlheleleng legato la Mophato wa 2, ditaelo di tshwanetse go itebaganya le go tokafatsa

- dikgono tsa bona tsa go itse le go ranola ditlhaka gore di dire bokao.
- ◆ Fa barutwana ba fitlhile mo maemong a, ba tlaa boelwa mo ditaelong tse di itebaganyang le kgodiso ya puiso ka thelelo, mme barutwana ba tlhagisetswe mefuta e e anameng ya dikwalwa.
 - ◆ Kwa bokhutlong ba Mophato wa 3, barutwana botlhe ba tshwanetse ba bo ba kgora go buisa ka nepo mafoko a ka nna 40 ka motsotso.
 - ◆ Mo maemong a a puiso ka thelelo, go buisa ka go tlhaloganya go a oketsegae bile go a kgonega fa barutwana ba buisa ka bobona/ba ipuisetsa. Fa barutwana ba fitlhile mo maemong a puiso ka thelelo, go lebega e kete dikgono tsa bona di nna bokoa ka go tlhaloganya mme seo e nna sona sekgoreletsi go tsweletsa kitso-puisokwalo.
 - ◆ Fa barutwana ba fitlhiletsa maemo a puiso ka thelelo, ditaelo di tshwanetse go tsamaela kwa go tiiseng dikgono tsa go tlhaloganya ka go aga tlotlofoko e e tsweleditsweng, dikgono mo puong, le go rotloetsa barutwana go buisa setlhlangwa ka go se sekaseka.

Re ka dirisa matshwaokaelo a puiso jang?

TSAMAISO YA BOSETSHABA LE YA DIPOROFENSE	SEKOLO	PHAPOSIBORUTELO
Tshimolodiso ya tlhaloso ya puiso ka thelelo	Maemo le ditotwa/diikaelewa tse baeteledipele ba sekolo ba ikaeletang tsona	Maemo a a dirisiwang go lekanyetsa bokgoni ba barutwana
Ba tlhaletsane sentle maemo le tse di totilweng/ikaletsweng	Ditiro tsa tlhatlhobo e e lekanyeditsweng go ralala dikolo le mo dikolong ka botsona	Temogo ya go sa le gale mo barutwaneng ba ba ka palelwang ke go buisa
Go tlhokomelwe kgatelopele	Temogo ya mothamo wa tlhokego ya tshegetso ya phekolo ya tshiamiso-ithuto.	Dira gore go ruta go itebaganye le go kgotsofatsa ditlhokego tsa barutwana

Re tlhamile matshwaokaelo a jang?

Matshwaokaelo a puiso mo mephatong ya pele ya Sesotho-Setswana a ikaegile ka tlhatlhobo ya go buisa ya barutwana ba ba kana ka 24 000 ba ba kgethegileng go ralala go feta dikolo di le 400 tse di sa duediseng go ruta barutwana mo diporofenseng tsa Bokone Bophirima, Free State le Limpopo.